

Big Mac, Coke un ne Plastic Barbie

(nach: „Blotwoosch, Kölsch
un e lecker Mädche“, Hühner)



Neulich, da hatt isch ene Alptraum:
Dat Kölsche, dat wor eines Daachs plötzlich
fott.

Erus us Kölle, wie urahle Schrott.
„Freihandelsabkumme“ - da kriste d'r Zidder,
wat kölsch is, dat stört se nur un kütt nie
widder.

Refrain:

*Big Mac, Coke un ne Plastic Barbie,
bruch dä Investor, öm jlöcklich zo sin.
Blotwoosch, Kölsch un e lecker Mädche,
dat jiddet bald nimmieh en Kölle am Rhing*

Ob in Europa oder in Amerika:
Konzerne wolln Jeld scheffle - dat is doch
klar.

Wohlstand für all' un janz vill Arbeitsplätz?
Dat is doch all' nur Lobbyiste-Jeschwätz.

Refrain:

Big Mac, Coke un ne Plastic Barbie, ...
Drum loss m'r ens wehre, su lang et noch
jeiht:
wemmer jetz nix donn, dann isset ze spät.
Mir stelln uns quer, se solln uns kenneliere.
Nächst Johr wäde m'r hier dann unsern
Siesch fiere.

Alle: *TTIP, Ceta un all dat Jedrisse,
dat bruch he keiner, öm jlöcklich zo sin.
Blotwoosch, Kölsch un e lecker Mädche,
dat rejch uns völlich en Kölle am Rhing.
Lalalalalalalala.....*

Handelshemmnis

(nach „Unser Stammbaum“, Bläck Fööss)

Mir Kölsche wulln uns Hämmsche ohne
Dreckshormon
mir wulle och de Hühner ohne Chlor am
Hohn
Un wenn uns nach privat is dann om
Heimwesch stillvergnüsich
Mer wulle kein Konzern he, dä uns Stadt
privatiseet

Refrain1:

*Mir Kölsche sin en Handelshemmnis
Jäje dat TTIP jon mer op de Stroß
Denn se han sisich övernomme
Se kriejen't nit hin, jäje uns he am Rhing
Dat es jet wo mer stolz drop sin.*

Un wenn se dann dat Wasser vun kölle
privatiseern
Dat einzije wat dann jut is: dä Profit för die
Konzern.

Luur ens uns Krankehüuser nemme hück
doch jede Tünn
Wenn se ets privat sin kumme nur noch
Rische rin.

Refrain2:

*Ja mir sin jään en Handelshemmnis
Jäje dat TTIP jon mer op de Stroß*
Da wor doch ens dä Lihrer en d'r Kayjass
Nummer Null
Dä Welsch käm ungerm TTIP in en elite
Privatschull.
Nur jut, die KVB könnt och jet flöcker fahrn
Doch wenn se ens privat is lööv se wie de
Bahn.

Refrain2: *Ja mir sin jään en Handelshemmnis*

Refrain1: *Mir Kölsche sin en Handelshemmnis...*

Texte zum Download online unter www.Pappnasen-rot-schwarz.de

